



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO

PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA

Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-19-003152

Sjedište: ul. Jaroslava Černija br. 8, tel: 237-655, 447-741; fax: 440-658, www.viksa.ba

Pogon Vodovod tel:532-430, Pogon Kanalizacija tel: 668-260

PDV-IB: 200151950004, ID: 4200151950004

KJKP „Vodovod i kanalizacija,, d.o.o. Sarajevo

Skupština preduzeća

Broj: 02-01/19

Sarajevo, 26.09.2019. god.

Na osnovu člana 310. Zakona o privrednim društvima („Službene novine F BiH“, br. 81/15) , odredaba Odluke o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo („Službene novine Kantona Sarajevo, br. 31/19) , člana 28. stav 1. tačka 1. Statuta KJKP „Vodovod i kanalizacija“ d.o.o. Sarajevo i člana 19. stav 1. Poslovnika o radu Nadzornog odbora, Skupština preduzeća je na 2. sjednici održanoj dana **26.09.2019.** godine, donijela:

ODLUKU

o izmjeni i dopuni Statuta KJKP „Vodovod i kanalizacija“ d.o.o. Sarajevo

Član 1.

U Statutu KJKP „Vodovod i kanalizacija“ d.o.o. Sarajevo, (notarski obrađen pod brojem: OPU-IP 811/2013 od 05.11.2013.godine, Odluci o izmjeni i dopuni Statuta KJKP „Vodovod i kanalizacija“ d.o.o. Sarajevo, koja je notarski obrađena pod brojem: OPU-IP 283/2016 od 18.02.2016. god., Odluci o izmjeni Statuta KJKP „Vodovod i kanalizacija“ d.o.o. Sarajevo, koja je notarski obrađena pod brojem: OPU-IP 1429/2017 od 07.09.2017.godine i Odluci o izmjeni Statuta KJKP „Vodovod i kanalizacija“ d.o.o. Sarajevo, koja je notarski obrađena pod brojem: OPU-IP : 1689/ 2017 od 10.11.2017. god., mijenja se član 19, tako da isti sada glasi:

- (1)Ovlaštenja skupštine u Preduzeću u skladu sa zakonom i osnivačkim aktom, vrši Vlada Kantona Sarajevo (u daljem tekstu: Vlada Kantona) , putem punomoćnika.
- (2)Vlada Kantona će, na prijedlog ministra Ministarstva komunalne privrede i infrastrukture, ovlastiti punomoćnika/e koji će u ime i za račun Vlade Kantona vršiti ovlaštenja Skupštine preduzeća, te utvrditi način izbora punomoćnika.
- (3)Punomoć se izdaje u pisanom obliku i sa uputama o načinu vršenja ovlaštenja u procesu rada i donošenja odluka od strane Skupštine Preduzeća.
- (4)Bitni elementi sadržaja punomoći su propisani Odlukom o bitnim elementima sadržaja punomoći koja se daje punomoćnicima Vlade Kantona Sarajevo.
- (5)Punomoćnici su dužni postupati u skladu sa obavezujućim uputama Vlade Kantona Sarajevo, odnosno ukoliko upute nisu dobili , dužni su postupati savjesno sa pažnjom dobrog privrednika i u skladu sa razumnom prosudbom najboljeg interesa Kantona Sarajevo kao osnivača.
- (6)Izuzetno od stava (5) ovog člana, punomoćnici ne mogu postupiti bez odgovarajućih uputa Vlade Kantona u slijedećim slučajevima:

- a) prilikom odlučivanja o povećanju ili smanjenju osnovnog kapitala;
- b) prilikom usvajanja godišnjeg izvještaja o poslovanju društva koji uključuje finansijski izvještaj i izvještaje revizora ;
- c) pri kupovini, prodaji , zamjeni, uzimanju ili davanju u lizing, uzimanju ili davanju kredita i drugim transakcijama imovinom ;
- d) prilikom izbora ili razrješenja članova Nadzornog odbora pojedinačno;
- e) prilikom izbora i razrješenja članova Odbora za reviziju.

(7)Vlada, vlastitom odlukom ili na zahtjev Skupštine Kantona Sarajevo može opozvati punomoć ili umjesto već date punomoći dati novu punomoć najkasnije do održavanja skupštine.

(8)Ukoliko Vlada Kantona Preduzeću u periodu od sedam dana od dana održavanja skupštine dostavi akt kojim pobija valjanost punomoći na osnovu koje je punomoćnik učestvovao u radi i odlučivanju skupštine, nadležni organ Preduzeća će proglasiti nevažećim glasove na osnovu te punomoći i o tome pismeno izvjestiti sazivača skupštine.

(9)Sazivač skupštine je dužan obustaviti od izvršenja odluku za čije donošenje su bili odlučujući glasovi na osnovu punomoći iz stava (8) ovog člana i sazvati skupštinu radi ponovnog odlučivanja o tim pitanjima , najkasnije 30 dana od dana prijema obavijesti nadležnog organa Preduzeća.“

Član 2.

Iza člana 19. Statuta dodaje se član 19. a, koji glasi:

„(1)Za punomoćnika može biti imenovano lice koje ispunjava slijedeće opće uslove:

- a) da je državljanin Bosne i Hercegovine,
- b) da je stariji od 18. godina,
- c) da nije osuđivan za krivično djelo i za privredni prestup nespojiv sa dužnošću Skupštine, pet godina od pravosnažnosti presude, isključujući vrijeme zatvorske kazne i da se protiv njega ne vodi krivični postupak,
- d) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije,
- e) da se na tog kandidata ne odnosi član IX. 1. Ustava Bosne i Hercegovine,
- f) da nije u sukobu interesa u smislu Zakona o sukobu interesa u organima vlasti Federacije Bosne i Hercegovine („Službene novine Federacije BiH, broj 70/08).

(2)Pored navedenih općih uslova iz stava (1) ovog člana , za punomoćnika može biti imenovano lice koje ispunjava i slijedeće posebne uslove:

- a) da ima visoku stručnu spremu VII stepena, odnosno visoko obrazovanje prvog ili drugog ili trećeg ciklusa Bolonjskog sistema studiranja,
- b) da ima višegodišnje iskustvo u radu,
- c) da posjeduje znanja i sposobnosti razumijevanja poslovnih izvještaja i poznavanje propisa koji se primjenjuju na rad i poslovanje kantonalnih javnih preduzeća,
- d) da posjeduje sposobnost za savjesno, odlučno i odgovorno obavljanje povjerene funkcije,
- e) da posjeduje sposobnost nepristrasnog donošenja odluka,
- f) da je naklonjen timskom radu,
- g) da ima pozitivne rezultate rada ostvarene tokom karijere,
- h) da nema privatni finansijski interes u preduzeću,
- i) da nije direktor ili član uprave ili nadzornog odbora u preduzeću u koji se kandiduje,
- j) da nije član upravnog ili nadzornog odbora u drugom preduzeću ili instituciji.“

Član 3.

Iza člana 19. a Statuta dodaje se član 19. b, koji glasi:

- „(1)Preduzeće je obavezno Vladi Kantona odnosno resornom ministarstvu dostaviti poziv za skupštinu sa dnevnim redom i materijalima za svaku tačku dnevnog reda.
- (2)Vlada Kantona može, ukoliko postoji interes, punomoćnicima dati obavezujuće upute za odlučivanje po jednoj ili više tačaka predloženog dnevnog reda odnosno uputu za dopunu predloženog dnevnog reda sjednice skupštine preduzeća.
- (3)U situacijama kada se donose odluke iz člana 2. stav 6. ove odluke, kao i u svim drugim slučajevima kada resorno ministarstvo ocijeni svrsishodnim davanje obavezujućih uputa punomoćniku/cima za odlučivanje po pojedinim pitanju, resorno ministarstvo dužno je dati prijedlog Vladi Kantona za odlučivanje po predmetnim tačkama.
- (4)U cilju praćenja odlučivanja u skupštini preduzeća, preduzeće je dužno najkasnije u roku od tri dana od dana održavanja skupštine izvjestiti Vladu Kantona, putem resornog ministarstva o donesenim odlukama.
- (5)Resorno ministarstvo dužno je izvršiti procjenu donesenih odluka , te ukoliko utvrdi da iste mogu biti na štetu Preduzeća ili su donesene suprotno obavezujućim uputama Vlade Kantona za odlučivanje, predložiti će Vladi Kantona da donese odluku o suspenziji izvršenja takvih odluka.
- (6)Vlada Kantona će suspenziju izvršenja odluka iz prethodnog stava vršiti putem preduzeća po proceduri propisanoj Odlukom o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo.

Član 4.

U članu 33. stav (1) tačka 25. mijenja se i glasi:

„Kao drugostepeni organ odlučuje po prigovorima kandidata na obavijesti poslodavca u postupku prijema u radni odnos po javnom oglasu/konkursu te u svrhu rješavanja ovih prigovora formira posebne komisije“.

Dosadašnja tačka 25. postaje tačka 26.

Član 5.

Odluka o izmjeni i dopuni Statuta stupa na snagu danom donošenja .

Član 6.

Statut u preostalom dijelu ostaje neizmijenjen .

Dostavljeno:

- Ministarstvo komunalne privrede i infrastrukture,
- Služba za pravne i kadrovske poslove,
- a/a

Predsjednik Skupštine
Elmir Bajrić, dipl. pravnik

